

## des Planeten Buchs.

monats/ vnd 12. Hermonats/ ist von Naturen des Zeichens  
Krebs/ der *Complexion* des Mons/ *Phlegmaticus* kalt/ feucht/  
gewinnet einen völligen Leib/ wird weiß/ gemeiniglich Weis-  
bisch/ vnsteten wesens / hie vnd dort / rund beziegesten feisten  
Angefichts / Bart / Haar / verschrenckte Zeen / seine Augen  
lauffen ihm hin vnd her / vnd vngleich / runden Kopffs / brei-  
ter Stirn / engen Brust/ vnter dem Gürtel grössers Leibes/  
denn obwarts/ fast Pulsreich/ dempfficht/ zu fürchten er wer-  
de grosse Kranckheiten an Händen vnd Füßen leiden / oder  
gewinnet ein Zeichen auff den Lenden/ vnd vmb die Gürtel/  
flug / sinnreich in Künsten / doch lügenhafftig / wird lieben  
die Bosheit / wenn er etwas gewinnet / wird er nicht achten/  
ob das mit Recht oder Vnrecht geschehe / starck in seinem  
Zorn / sonst friedsam / still / leidet durchächftung von ander  
Leute wegen / vertrauet wol/ ist dienstbar / behend / wol ge-  
lehrt. Er wächst in Hoffnung/ vnd wiederwächst/ hat mans  
cherley Glücks in gutem / vnd bleibet nicht lange bey ihm/  
durch seine Wanckelmütigkeit/ sein bleiben ist nicht lange an  
einer stete / er wird vmb kleine Dinge bald zornig / vnd lesset  
bald abe / vnd bedencket sich inwendig/ wie vnstet er ist / so re-  
det er doch bißweilen war / ein Weib stillt seinen Zorn / wie  
viel böses auch bey ihme wohnet/ wird vieler Dinge verleumet  
hinderwertig ohne Schuld / vnd thut den Frembden mehr  
mit vnterthänigkeit / denn seinen Freunden/ vnd wie heimlich  
er ist mit seinen Sachen / so werden sie doch offenbar jeders  
man / was er zu gutem stellet/ gehet zum bösen aus. Er ist  
weise in vielen Sachen / vnd nimpt doch nicht war / was er  
thut / hat viel seltsamer Liebe der Frawen / ihme werden an-  
gezeiget zwey ehrliche Weiber beyde Jungfrawen / vnd hat

B

Doch